

tino et cum Timaeo Locro multum fuisse et Philolai
commentarios esse nanctum, cumque eo tempore in his ²⁶³
locis Pythagorae nomen vigeret, illum se et hominibus
Pythagoreis et studiis illis dedisse. itaque cum Socra-
tem unice dilexisset, eique omnia tribuere voluisset, ⁵
leporem Socraticum subtilitatemque sermonis cum ob-
scuritate Pythagorae et cum illa plurimarum artium
gravitate contexuit.'

- ¹¹ 17 Haec Scipio cum dixisset, L. Furium repente venien-
tem aspexit, eumque ut salutavit, amicissime | adpre- ²⁶⁴
hendit et in lecto suo conlocavit. et cum simul P. Ru- ¹¹
tilius venisset, qui est nobis huius sermonis auctor,
eum quoque ut salutavit, propter Tuberonem iussit
adsidere. tum FURIUS: 'quid vos agitis? num sermonem
vestrum aliquem diremit noster interventus?' 'minime ¹⁵
vero', AFRICANUS; 'soles enim tu haec studiose investi-
gare quae sunt in hoc genere de quo instituerat paulo
ante Tubero quae|rere; Rutilius quidem noster etiam ²⁰⁹
sub ipsis Numantiae moenibus solebat mecum interdum
eius modi aliquid conquirere.' 'quae res tandem inci- ²⁰
derat?' inquit PHILUS. tum ille (SCIP.): 'de solibus istis
¹² duobus; de quo studeo Phile ex te audire quid sentias.'
- 18 Dixerat hoc ille, cum puer nuntiavit venire ad eum
Laelium domoque iam exisse. tum Scipio calceis et ve-
stimentis sumptis e cubiculo est egressus, et cum pau- ²⁵
lulum inambullavisset in porticu, Laelium advenientem ²¹⁰
salutavit et eos qui una venerant, Spurium Mummiuum